

Weh Wi Ga Fi Seh

Memba fi chreet ada pipl
how yu waahn dehn
chreet yoo!

Valentaimz Day Di Kohn Yaaaaaaa er Boohooahoo Fi Yoo?

Bai di way, nof pipl seh **Valentainz** Day, ahn noh Valentaimz Day. Soh far eena di Kriol dikshineri, wi noh ga wahn enhri fi dis, oanli eena di enhri fi di wod “Febiweri” weh ga dis sampl sentens:

Febiweri *n.* February. **Flowaz sel plenti eena Febiweri sayk a Valentainz Day.**
Flowers sell well in February because of Valentine’s Day.

Now memba: Eena di soon sekan edishan a di Kriol dikshineri, yu wahn si “sayka” don “merge” together, laik wi tel unu eena laas eeek aatikl.

Flowaz sel plenti eena Febiweri sayka Valentaimz Day.

Bowt Valentaimz/Valentainz: Eena di sekan edishan a di Kriol-English dikshineri weh wi di werk pan, wi di chek rong fi si fi put in az di mayn enhri: Valentaimz ahn Valentainz az wahn standad difrant way (variant).

Soh, how yoo wahn selibrayt Valentaimz Day?

Weh beta way fi du dis dan fi du sohnting gud fi yuself pahn **Valentaimz Day?** Dis gud gud if yu singl. Now, if yu ga paadna, du sohnting gud fu yu paadna tu pahn **Valentaimz Day.** Ahn if yu ga pikni, du sohnting gud fu dehn pahn **Valentaimz Day.** Soh, ih uda gud if yu selibrayt it di du sohn lee ting fu yuself ahn fi sohnbadu yu noa ... eevn if da jos fi kaal dehn er teks dehn “Ah lov yu.”

Jos bos owt wid lov dis Valentaimz Day!